

詠懷堂詩集

詩序

余不佞從阮公集之遊也
蓋自癸卯上公車始云屈
指到今三十三年矣憶壬
戌余官南雍公以給事侍

養歸舟過江頭倉卒一晤
別去遂十三年不相見人
邇室遐悠悠我思病懶成
癖能無各天之歎去年秋
里中忽達二百七十年所

未有之變公毗裂髮堅義
氣憤激欲滅此而後朝食
捐橐助餉犯衝颺凌洪濤
重趼奔走請兵討賊有申
包胥大哭秦庭七日之風

卒賴其謀殲醜固圉一時
目擊其事者無不艷羨嗟
歎以爲非此奇人奇才奇
識安能於倉皇倥偬中決
大計成大功哉余流落南

中一見握手勞苦如平生
居久之盡發其平日所著
詩歌以就余印可余展讀
之躍然曰公之技遂至此
乎不見公久矣公猶答人

公詩非答詩也公曰五口里
居八年以來蕭然無一事
惟日讀書作詩以此爲生
活耳無刻不詩無日不詩
如少時習應舉文字故態

計頻年所得不下數千百首然吾亦嘗思之矣不深其根不可以探微也不歷其變不可以窮態也不定其宗不可以推魔也吾詩

淵源於三百篇而沉酣於
楚騷文選以陶王爲宗祖
以沈宋爲法門而出入於
高岑韋柳諸大家之間晝
而誦暮而思舉古人之神

情骨法反覆揣摩想像出
入鉢心剝肝剗腸剗腎其
餘中晚逮宋元以下及於
近代之名人卑者熟爛如
齊威秦皇之尸卽其錚錚

者亦薰蕕互冒瑕瑜相參
譬言如羔裘而狐袖何足以
詰千尺之錦登作者之壇
哉又曰古之君子不得志
於今必有垂於後吾輩舍

功名富貴外別無所以安
頓此身烏用鬚眉男子爲
也吾終不能混混沌沌與
艸木同朽腐矣余聞其言
而悲之且壯其志之大識

之高不爲塵俗勢利牽制
埋沒也公少負石磊落倜儻
之才饒經世大略人人以
公輔期之居掖垣謗謔有
聲熟腸快口不作寒蟬囁嚅

嚙態逡巡卿列行且柄用
一與時忤便畱神著述家
世簪纓多藏書徧發讀之
又性敏捷目數行下一過
不忘無論經史子集神仙

佛道諸鴻章鉅簡卽瑣談
雜誌方言小說詞曲傳奇
無不薈萃而掇拾之聰明
之所溢發筆墨之所點染
無不各極其妙學士家傳

戶誦而全副精力尤注射
於五七字之間抉摘剗削
吟或一字未安卽經歷歲
時必改竄淡穩乃已真有
語不驚人死不休者卽孟

襄陽之眉毫盡落王摩詰
之走入醋甕其攻苦殆無
以遠過以故其詩有莊麗
者有澹雅者有曠逸者有
香艷者至其窮微極渺靈

心慧舌或古人之所已到
或古人之所未有忽然出
之手與筆化卽公亦不知
其所以至而至焉公家堅
之先生吾郡中推才于古

人無兩亦心折公門下問
字者接踵輒曰盍往質吾
家勲卿則知公所得淡也
吾竊胥慨於答之持論者
曰詩必窮而後工至以詩

爲致窮之具而諱言之則
詩者僅一困人蹇士抒憤
泄憤之物瑣尾香宇無聊
賴者之所爲而古之人歌
之樂章奏之郊廟陳之燕

享何其道之尊而用之重乎吾夫子身任在茲之文至舉而歸之天之未喪則文者物之華天之寶也六丁爲之收拾太乙因雨下

觀錄來尚矣夫子五十而
知天命知之真故任之重
也後世宗門相勘驗亦必
曰近日有何言句纔一動
舌頭而成佛作祖不外乎

是且天之厚夫人也將子
之以如夢如幻如泡如影
之功名富貴爲厚乎抑成
就之以千秋萬世之大業
照耀之以三辰九曜之光

華爲厚乎不朽者文不晦
者心動天地感鬼神天壤
間止此一物至今天下知
有明允而不知有文甫知
有昌黎而不知有子祀八

斗五車與三公九卿所得
孰多文章千古得失寸心
前人之精神不息後代之
心眼倍靈是以古立言君
子畏之慎之重之而不敢

輕管李白藥論詩上陳應
劉下述沈謝而王通不答
薛收曰子之所言是夫子
之所痛也則詩亦難言之
矣三代盛時無論公卿士

大夫卽牧夫游女皆涵育
於先王之澤而湛濡於教
化之深吐詞爲經矢口成
訓何容揅擇夫子晚而刪
詩僅存十分之一所存少

而所去多何耶聖人造化
之筆世儒何能窺測其微
旨而逸詩之傳於後者又
皆可歌可詠可咀可味門
弟子皆能習之而皆能言

之則聖人之未嘗一槩抹
煞之也亦明矣而至今傳
者寥寥或後人遺失或經
秦火皆不可知而當時親
受業於聖門者說詩又各

各不同豈詩爲活物聖人
固未嘗執一說以定人而
人各以其意見自築一宮
牆別開一門戶耶禪家有
活句死句執其死句則此

心自然非彼心一地不能
知二地爲元微之之優杜
劣李也可爲楊大年之以
杜爲村夫子也可卽爲近
日之呶呶王李輩也亦無

不可得其活句則放開眼
目恢廓胷襟永明不云乎
衆生言語悉法界之所流
外道經書盡諸佛之所說
而况李杜元白蘇黃諸大

家及近日王李鍾袁諸名士卽其中不能無利鈍何容輕置擬議於其間耶大顛一難昌黎杜口不讀佛書歐公晚悔勿謂床頭無

捉刀人甚矣立言君子之
難也况乎宇宙之間止此
精靈坡老爲鄒陽之轉刼
留鄴是歲星之現身相尅
卽以相生千月元是一月

何彼何此何去何從惟前
有毘陵晉江之爭雄故後
有中原紫氣之犄角後來
作者建風雅之幟自命爲
千古之人釵釧瓶盤鎔爲

一器百川大海收之一滴
勿效金色頭陀妄擯神變
之妙德只恐當來之佛尚
迷如來之舍利耳公詩刻
成以余久交命余一言以

弁其首癡鈍人作癡鈍語
以請教於公不知以爲然
否

旨

崇禎乙亥秋眷弟葉燦頓

首拜題

詠襄堂集序

傳稱詩者志之所之也嗟嘆不足而歌詠生興觀不足而怨生聖賢口之達政易俗成功告神其失志也詮諷性情口親媚于

君父無物非志無之非怨怨斯
諱矣吾師石巢氏鍾衡廬瀟霍
溢蠡之氣而煥乎離處

神光禧廟

今上不諱之朝而丁乎蹇厭登歌

清廟賡載肅邕而啁嘶乎江潭
蕩漾之濱肇繭腥牴哭秦完宋
沮麝裘而鎮連乎五噫之廡明
乎王政之因革風俗之播遷鬼
神之悲悼鋪糟審矣離騷牢矣

伯玉行季悔其少佐采生平汗
牛充棟不盈卷掬小子志之敷
祖討論不汚彝好觀海觀瀾牢
籠衆妙欵明堂在鄒之醇割西
園南皮之腴彈厭六代而砥柱

乎柴桑其協律之什伯玉翕焉
禪純摩詰聖焉禪智三唐無其
匹也况下此者哉夫代肴變而
情不遷平心而鋪萬物之自然
故讀者不勞而勸不遷止乎禮

義也不勞而勸紐之王化也誦
其詩知其人庶幾可㠯論世

嶺南門人鄺露序

詠懷堂詩集目錄

一卷

四言

巴彼詩

雙星篇送史弱翁東歸

鳩嶺艸堂酬方式谷肅之姚繩先見過
醉璩日卿山甫過平等蘭若

錢爾卓先生借今歸幼安幼光飲集團

田野

小引

詠懷堂詩

目錄

黃鵠篇爲潘次魯南征賦

雍之水四章爲方司成書田賦

樂府

聖人出

君馬黃

赤鳥飛

有引

獨漉篇

猛虎行

烏啼曲

雜子班

升天行

河漢吟

淮南詞十二首

子夜歌四首

二卷

五言古

同白瑕仲石塘湖上行卽望其所居

春日園居程搏仲錢豹叔衡之兄前之弟

予築夜集

初春顏若齡自山中來邀吳幼玉社長天
都山人戴德充觴咏

春夕雷雨大作曉霽枕上口占呈茲園
大人

春霽聞若齡將入豹嶺咏此訂次月偕幼
玉往遊

春初述懷寄方無念
看杏花宿瑕仲山館微雨

仲春過訪方仁植同年廬居因游南浮有

懷野同先生

與左又鎭偶飲花下

程蓋臣以天都遊記見示賦此

蓋臣擬爲余刻詩述懷以謝

憶李烟客林六長寓天寧寺

雨中喜羣賢集十賚閣會文

吸江樓爲林六長遙賦

送吳元起應試白下

泊青谿東銅陵崔明府

泊采石遲郭侍郎金谿不至感憶

再同周公穆張損之劉爾敬耑玉家衡之

兄登采石山寺廣濟閣

九日霽後同李煙客梁非馨朱白石汪遺

民吳栗仲田衛公何不承方聖羽王禹

開方爾止密之集李玄素通侯松筠閣

共用遠字

謝吳明府闇生餉菊舟中

喜李煙客同舟往眺三山因柬潘木公
阻風望燕子磯不得往同煙客爾敬公穆
孺韜慧玉損之賦

柬姜儀真如農

送吳孝廉修能北上

喜孟元白見訪因坐湛閣論詩

已戒三山帆風逆還泊鑾江招杜退思入

舟觴咏

廻舟風日甚美與諸君子飲酒賦詩

絲天開巖歷諸勝登攝山頂還宿恒覺方丈

攝山東峰石上坐月

宿方大方山館

采蓮曲江微雨晚霽同茲園大人長子

叔前之弟洎諸詞客賦

送宋計部鍾南歸楚

答吳太史天石見訊并訂天都之遊

讀顏若齡種秋齋詩

秋夜宿白瑕仲山館

方爾止見訪感舊賦

方肅之自天都還畫谿以書見訊賦答

秋夕遲友人不至

秋夕同若齡公穆衡之兄前之弟集正之

弟水亭月下

再同若齡集正之水亭遲幼玉不至

答潘木公

答錢密緯

秋山霽夕同胡衷朴白瑕仲方聖則月下

酌感賦

鳩嶺遲潘次魯不至

山堂初度呈朱岫翁夫子

從鳩嶺至龍山赴宗白上人平等蘭若晤
言之約

山居懷汪以玉

寄懷王徵君化卿註易桐中期以春晤

冬旭偶過若齡江亭幼玉烈卿紫淵亦至

鶯咏

從石門湖汎舟至百子山別業同璩山甫

顏若齡賦

寄曹元甫

郊居窓中同程搏仲錢豹叔觀道上行人

雪中陳潛山蝶菴見枉賦答

早春懷計無否張損之

送王方伯梅和督運行便道覲省

同聖羽元起介人五一四蘇不迷肅應慧

王損之集集園觴咏

園居詩二首有引

述懷二首

讀陶公詩偶舉大意似聖羽介人五一慧

玉有引

郊居襍興四首

春夜野居獨飲有懷前之弟讀書松閣

曹梁甫過訪因談望中龍山之勝二首

松閣同博仲損之衡之兄夜坐卧聞風雨

賦

雨霽晨起展誦友人至

同徐雲仍張損之繇郊居至佛嶺田舍飲

繇佛嶺至龍泉菴旋憩石巢

宿石巢晨起

溪亭

從石巢至平等菴宿

夜聽平等巖下雨

平等菴竹下壽徐雲仍四十初度

雨中遲宗白不至

山中五日懷次魯客江上

贈種茶僧輝虛

山中憶瑕仲子卿介人五一應試秋浦
暑月園居偶成

鄆公露從嶺南相訪感賦

園居池陽李長度司理見訪兼惠以詩稿

二首

園中止水宗白過訪

懷錢豹叔授經桐中

月夜懷幼玉長秀江上

田間襍興四首

月夜同吳幼玉劉長秀泛石門湖便至百
子山莊兼過長秀穀居

曉園偶懷前之弟

九日詩

有引

聞劉起伯談蜀中山水

七夕秋情呈 從祖樵川公二首

平等菴雨宿

將抵采石元甫書至述懷便答

雨泊蕪湖謝羅侍御澹研招飲兼志別情
梅根治得友人書有感二首

雨泊泥汊有懷曹元甫

秋夕園居有懷姜侍郎仲訥傅祭酒子京
瓜埠月下舟行有懷潘木公

同吳仲立張損之周公穆集汪士衡湛闕
雨中遲木公不至讀其詩

再答木公詩訊

殷徵卿自楚中見訪不值旋舟下真州賦此

春夜同葉以冲越卓凡先生集卓左車械

園

余未也招同陳曼昭集烏龍潭賦二首

用韵和王計部芥菴脩禊詩

行宛溪道上望敬亭有懷玄暉先生

至姑孰懷敬亭

全以冲先生潛夫同年雪照恒覺步明月
峰微雨還方丈宿已而霽起看月偶成
過卓凡北窗下偶成

七言古

招姚康伯光舍萬周有邵吳湯日潘次魯
家茲園公長子叔飲訫園二首

讀書佳山水歌爲王水部遂東遙賦

答錢密緯以詩見期

東海鵠爲衣文學妻王節婦賦

杪秋同李煙客周公穆劉爾敬張損之某

孺韜劉慧玉宗白集汪中秘士衡寤園

豫園別虞學憲來初

江村歌爲王梅和使君五十壽

江上柬陳元朋

得侯木菴南湖秋興詩憶寄

漂母祠

蕩子從軍行

三卷

詠懷堂詩

目錄

十

五言律

巫山高

閒酌

春雪憶顏若齡讀書山中二首

園雪海嶽菴僧過訪感舊游賦二首

周穆公張損之家衡之兄登峨眉亭懷古

答潤州周司理芮公遊三山二首

喜徐介白自天都見訪

程蓋臣徐介白還天都旋下松皮寄憶潘

木公史弱翁二首

送李煙客還嶺南二首

久客還鳩嶺艸堂

山夜有懷潘次魯居廬二首

五日觀渡卽送人還汝南二首

東白瑕仲約往看杏花

越卓凡出天界同宿月下賦

春暮得賈方伯孔瀾中州書

坐綠夢居賦送一門上人北參二首

送桐城李主簿召卿移雷州衛幕暫歸莆

田

山中懷若齡久客婺州

久不至菩提菴偶成

秋村

村夜

止水見訪集園

村居歲晏

出山別社衲二首

述懷答陳不盈吳遊返寓江寺見投

秋夕全廊公露坐循元上人綠夢居二首

喜宗白微喻博山問法歸二首

將抵三山登高東潘木公二首

憶宗白秋客海嶽菴

江行脅懷趙侍御二瞻二首

喜葉孺韜至金陵舟中小酌感賦二首

舟中彭天錫見過

送方聖羽吳元起失解歸皖

過印海方丈

李小有錢密緯遲予三山偶葺屋未赴
客中晚坐江亭有懷吳幼玉顏若齡

客真州喜杜退思至卽招集汪氏江亭

吳徵君充符招集修竹菴

江路同友人行攝山道中夜宿恒覺上人

禪院三首

聞張損之自白門來期入鳩嶺艸堂二首

出攝山至江口候舟不至因宿旃檀菴枕

上作

冬日全潘次魯劉爾敬坐天界綠夢居竟
日二首

依韵答潘木公舟中見懷二首

送吳湯日遊閩并訊曹大叅能始園居

俞駕部仲茅左官賦詩爲賀二首

方密之見訪卽送其遊吳二首

寄懷方式谷廣野伯仲二首

喜史弱翁見訪并閱松陵徐介白湯俊民

諸子詩二首

登攝山頂題墨林禪室

春初齊价人相訪余適東遊率爾別去茲
復見過賦此卽送其再往臯城授經二
首

答張孝紹和自漳南書訊

鳩嶺秋獲喜汪長從樅川見訪二首

秋夜雨中同木公切玉若齡集孫烈卿王
照閣古梅下共用晴字

寄懷馬侍御訥齋

薄暮同胡衷朴白瑕仲方聖則鳩嶺野望
鳩嶺秋夕喜方式谷肅之姚繩先見訪二
首

答周農父兒訪二首

小春海門社集得中字

喜楊孝廉幼麟兒過卽送其南州訪舊
袁公寥見過感賦時正脚觀察公恤因下

淮南白其勞狀

送方爾止白下徵文

築室百子山寄馮相國鹿菴二首

寄答三昧師講律楚中卽東臬使林有峨

二首

光含萬汝遊返寄訊二首

送楚友之姑孰訪曹元甫同年二首

郊居夜酌張損之

望龍山憶宗白南詢

倪資生過訪郊居止宿夜酌二首

九日病起得方侍御孩未書賦答二首

寄懷同年王參漢分臬台州二首

喜湯爾胄見訪卽送其還宣城應試二首

歲晏懷止水兼訂春晤

歲晏同程搏仲村居夜酌感賦

春望較臺肴懷聖羽廬居二首

春五日雪與介人蕭應五一損之感賦二

首

初春行大龍山道上望方大方讀書處有

懷二首

吳長人元起季木許中燕汪翔先齊价人

章永錫劉慧玉曹肅應張損之黃任魯

雪夜酌二首

春初懷吳幼玉顏若齡倪三昧二首

春夜全摶仲元起損之家衡之兄泊江口

小飲二首

門人吳孝生家于九子知余泊秋浦來會

賦贈二首

舟中望大龍懷白瑕仲昆季二首

送蔣子卿遊匡廬二首

春雨坐江閣聞光黃警感懷寄木公密緯
秋晨過訪谷語不值

與李德林酌感舊二首

倣園坐雨偶成

春陰同聖羽介人五一慧玉喬伯集園中
得樽字

懷趙又漢久客金斗

酌次魯十賚閣

春晚郊居范子明自桐來同价人五一過
訪時雨適降欣賦茲作二首

大方移酌同价人五一前之弟觴咏盡日

二首

山居雨中喜鄧簡之見過閱其近作卽送
之渡秋浦應試二首

巖松

同張若仲林六長家傳八兄青靄居聽雨

五日喜聖羽喬伯至山二首

山夜

從平等菴還省覲

郊居樹下偶成

用韵答蔣子卿見訪石巢二首

喜湯爾胄見過一首

寄姚吏部石嶺白下

依韵酬趙又漢雨中見懷兼約過飲

送三昧律師之五臺

趙芝庭改官南使曹訊之二首

訪鄭公露著夷土異書于三祖寺二首

九日薄暮泊江口二首

雨中舟行二首

蔣吾翮移樽同謝莫京徐慶卿正之弟賦

二首

答清流令萬青丘書

秋夕平等菴賦得山空月色深

月夜石巢宿靈公故房感舊

長子叔黃梅溪閣成全白瑕仲前之弟夜

集

邀瑕仲長子叔前之弟過百子山別業
三昧律師過訪感舊賦

秋夜泊燕子磯月中同吳仲立周公穆坐
亭子上遲曹元甫不至二首

同虞來初馮猶龍潘國美彭天錫登北固

甘露寺

徐南高同年招飲董刺史里淳張懷我孝

廉令嗣于鳳皇臺覽古感舊欣慨交集

爰賦斯作

送王龍光遊大梁

泊魯江同殷徵卿程搏仲夜酌

東遊旋舟次有懷宗白讀書山中二首

東銅陵崔明府滄浪二首

人日寄鄺公露客池陽文選閣

同越僉事卓凡馬中丞瑤草夜酌二首

范總憲質公雨中見過感舊二首

再同卓凡集瑤艸水亭二首

鷺峰寺過譚遠韵寓賦二首

寓李孔凡水閣賦贈二首

旅懷感呈南高問卿居廬二首

雨中東葉少宰以冲吳廷尉玉華兩先生

二首

過忘所精舍

至半峰菴訪雪照不值

過青山禮李供奉先生墓田四首

從青山曉發至黃池逢式谷時生繩先奕

予旅酌

黃池公館夜雨脅懷方太史坦菴四十初
度時在宛陵爲其四兄告急二首

賦憇方時生

湯蘭胄徐宜生俞其章詹在右携樽泛宛
谿相別

病中鄺公露過論詩二首

高吏部龍門見存感賦三首

雨後池上坐月肴懷薛比部詣孟二首

雨中同葉以冲先生雪照坐弘濟江閣

坐燕磯亭上再賦呈以冲先生二首

坐法雨上人澄觀閣二首

立秋前一夕坐栖霞方丈

坐慧汝居贈觀一

杜于皇至天界精舍相訪

酌張問夫

四卷

七言律

除夕大雷雨全徐慶卿曹肅應齊介人周
子久張損之守歲詠懷堂賦

甲戌元旦

青冥閣

有引

泊李陽河

舟中雨夜懷謫居友人

寄懷劉敬仲司空二首

仲春七日全韓姬命曹肅應張損之方聖

羽齊介人彭五一劉爾敬集劉慧玉宅

寄懷崔銅陵滄浪

喜史蓋卿請告歸廣陵江舟小酌

聞爲余使車所至地讀汪大年諸詩重若
卧遊遂賦此

初夏送損之還江東期以秋至

山居兩中張若仲林六長先後至

山中五日示若仲六長

喜王使君梅和銜 命移鎮皖上四首

寄韓太史求仲

送汪六御入覲還靈山

寄楊中丞文弱塞上二首

萬世甫至訊楊修齡先生

謝方侍御松生書訊卽送其北上報 命

寄懷吳南寧孝先

送程霖宇南粵遊

酌姚純甫時將省銓部心甫于南署二首

寄懷董玄宰宗伯子甲子乞身先生以詩

贈行今十年始答也四首

月下飲鄺公露感時肴賦

園中種菊聞雲中虜警

秋登十三叔中江樓

寄答陳太史雪灘卽送其北行

秋浦舟中感時似子卿

送何青山相國再起還 朝二首

立秋日送吳明府闇生南旋二首

焦山

金山

方孩未禮普陀回至鑾江相晤感賦

送望江朱侯擢守海洲

晤陳駕部劍華感賦

蕪關謝王水部季重招飲二首

荻港楊守戎子儀移酌舟中

燈夕阻風蕪湖舟中口占似程搏仲家衡

之兄

全渝駕部容自徐閩卿南高赴徐侍御孟

麟招感賦

述懷答友人

謝李臨淮玄素見枉不值

聞趙侍御二瞻自金焦取道遊西湖賦寄

憶家大人倣園四首

壽方四如五十

送汪涵秋歸淮南兼憶斗樞

木公從宛應教歸京口小詩送之江上

寄答陳南充似疇

寄周觀察柱瀛備兵淮海

吳幼玉六袞禮雲栖還賦壽

寄懷林存峨開臬楚中

感懷寄慰田郡伯三峨量移還蜀

袁公寥自廣陵回雨泊招飲于築感舊

偶讀元次山喻舊部曲詩有感

送江菊裳之信州任

送李煙客林六長下金陵有懷

博羅韓

夫子

送洪慧生南行并寄子明爾止

寄趙侍御芝庭

謝遲侍御之來招飲黃山閣

東錢密緯

采石磯同劉爾敬晚酌感賦并東同志諸

子

金陵晤郭侍郎金谿感舊兼送其赴嶺南

謫所二首

李通侯玄素移樽舟中偕同志賦得秋江

晚照

與李鳳池湛閣對酌

送羅別駕衡臯監督固原兵餉暫還南州

冬夜酌杜退思感舊

答梅長公書訊兼送其開府酒泉

秋杪楚友何韋長見訪二首

歲暮予築落成時程禹璜自北歸同幼玉

長秀社集得年字

中秋答余谷王

同方潛夫泊弘濟寺潛夫宿澄觀閣東之

晚霽同元甫望九子有懷李供奉白

喜 從祖茲園公解樵川郡歸二首

秋居有懷楊斗樞霍鐘西昌益軒二首

感時賦憫十三叔并諸兄弟二首

九日病中感賦

采石吊太白先生

乙亥元旦雨中試筆二首

同越卓凡飲馬瑤艸水亭聞寇警感賦

雨中李京兆曉湘招飲秦淮水閣二首
旅懷東筠計部容菴

寓秦淮與長子叔水閣相對肴懷茲園

公

晤孫祠部意白感舊

方司成畫田見過感賦二首

家大人初度謝李戒菴過祝

移宅城南郭侍御雲機過訪賦二首

與葉中翰白于感舊賦

送王宮諭崑華北上二首

月下陳令君剛長招飲敬亭山二首

謝項司成水心招集古林菴二首

謝范司馬質公見訊二首

程司空我旋見枉賦

用韻答薛比部諧孟二首

東董冀州里淳二首

謝顧兔泉以其先人東橋公集見贈

晚坐弘濟寺

再遊栖霞東恒覺上人

懷季重觀察江州解官還山陰二首

曉過石馬冲

石言十二首

有引

五言排律

壽龔直指瞻鳳太夫人八十四十韵

題吳橋范氏祖德詩二十八韵

東瞿起田二十二韵

夏日東池送友人納姬廣陵十二韵

字

五言絕句

園居襍咏六首

平等菴偶成四首

煙客以水晶巵見貺繫以詩賦答二首

七言絕句

釋稗十二首

有引

從真州還金陵舟中無題六首

偶過長板橋感舊

舟行無題四首

南海陳路若新婚甚驩調之四首

詠懷堂詩集 一卷

石巢阮大鋮集之著

南海鄭 露公露較

四言

岳彼詩爲詣藩木公不果而賦也

岳彼三山江海是藩分波若畎立表疑莖百谷宗
之晝夜盍云彼崇者阿亦豐斯殖藥露炎滋林芳
寒特呂迨川祇厥馴爾德君子之有君子之寃令
儀干岳澄思懷淵行芳氣潔式則幽蘭好遂用展

秋棹烟飛曙霞汐月是見容輝未謂幾及風水乖
違言及言歸中心彌擣俯怍手魚仰慚求鳥簷笠
祁祁詎如綦縞班荆采綠約在春祺敬此寒山松
栢保之居諸以寸亦莫不思

雙星篇送史弱翁東歸

明河焉逝雙星在天纖月虛徐秋花如煙將子南
翔載瞻烏鵲渙爾方舟遐爾言謳湯湯江海欲厲
何梁誰云牽牛可以服箱登高望遠緩心長路古
處敬哉罔或爾裕選芳攻渝大業斯升暇豫吾吾

殆庶盍仍星漢不熄光照四表皇皇之求維予旣
文

鳩嶺艸堂酬方式谷肅之姚繩先見過

杲杲秋野亦載其陽天清氣豁墟井相望潦收植
笱糴罷疏暘顧我廩厨執畜多有務靜人閒寒山
當牖婆娑其間可以飲酒羣龍入谷潛躍欣同亦
有不速鸞車駢駢班荆蓐食力極頽風田園顧步
寓目蕭散衍屐中林洩琴高館話言及醉以莫不
善悠悠爾別亦復何嘆畱煙石戶注氣秋蘭晨夕

見之延情愜歡

酬璩曰卿山甫過平等蘭若

秋林蕭蕭夜靜以長窈窕月出空山雨霜心之憂
矣是洄是翔爰有同心軫余于獨閑情若曙惠言
如東耿耿伊何亦莫不告敬爾飲酒齊爾詬言悅
管而幃吹簾及墳潔衷植義曷維其謾願言能惄
以御陰雨匪席匪石日月攸序百爾君子何莫古
處

錢爾卓先生偕令嗣幼安幼光飲集園

悠悠時序旣露以霜森標朝竦素烟夕翔離憂中
來云胡不長琴瑟在御寫此幽獨翻其谷音沛我
弗遠薄陳莞簟呂話疇夙寒山靜好高樹雞鳴嘉
魚旨酒款我平生豈無他士古處維朋臨觴不樂
日月彌晏停雲崇阿播芳南澗龍蟄匪存鳳衰何
諫願整羽翮相從遨遊攀霞懸圃摘月松舟任運
之之盍舍盍求

田野

豹叔瑕仲較書遠摯晤言成阻秋野屏居

觸情宵旦難已于懷

蕭蕭田野矯矯脩林暘雨夜滌山氣朝深婆娑一室有觴有琴弄琴啣觴爰寫我心田野蕭蕭脩林矯矯村靜鳴雞天長歸鳥明月宵盈軒墀淨皎偶影其間羣象載悄迢迢星宇夜境其幽蟲聲嚶嚶若或相求園列靜峙襟籟交流我思君子饑劬渴酬良夜有燦良辰有撰霞冠鮮姿颺迴餘善與子遊般期罔或倦豈無他人懷我親串

黃鵠篇爲潘次魯南征賦

清秋吳會白雲戾天層城標霞空江如烟黃鵠何
儀于彼皇澤睨爾蠻竦蕭爾羽翮月連修坂露被
平臯將子翔泳我心忉忉忉忉如何琴瑟用寫子
當騫騰去余中野野有其綠亦采其萍出處敬哉
以莫不臻

雍之水四章章八句爲方司成書田賦
雍之水鐘阜流之洪源湯湯溯洄求之求之無射
罔其有憚下上蟲飛永言來格

其二

詩七言
四
雍之水鐘阜衍之于鑄于釜左右選之抑抑君子
敬其簧笙饗之聽之中和以升

其三

雍有水釜則戶之於昭在廟皇人私之陟降有桷
聆鑾有若馨之聞矣載襄其瘼

其四

民之勞止暨我西京皇皇多士誓殺于寧伐柯如
何心誠儀之景福爾介亦莫爾思

樂府

聖人出

聖人出乘青玄金支庶旄纊哉紛高山大海告美
人以心美人遊教下上罔極嘉夜都良何所德筮
甘星懸悱惻美人哉

君馬黃

君馬黃馬黃將安逐九河湯湯日月出沒秋龍騁
離自南北駕車馳馬美人亦何極如蔡如易乎悲
矣

赤鳥飛

羣社期于追古故各擬古一章余拈適得
朱鷺因憶鐃歌之義僉徵君安期辨攷之
殊詳而愜易朱鷺以赤鳥飛者誠是也余
曾載之詩印故賦赤鳥飛以首簡

瞻飛彼烏烏飛何以赤颶輝王舟祥爾赫百靈儀
之亦胡射陳寶雞安鳴笳下之鷺鷺焉食飛土逐
肉以彈九雌畢日重輪光四極 聖人萬年天無
斂簡兮之臣二千石

獨漉篇

獨漉獨漉水深泥濁止邪心則苦懸絳弩渝何所
舞東方未明車班班姹女而冠工數錢枯魚連索
飛上天天色朝蒼蒼暮霏雨丞卿盱視當鼓前跕
跕小兒不得語

猛虎行

虹下垂梁之甫蟠谿頽虺怒如虎噴礪天狼驕水
弩行暉黯黯不可指孰可犯冠莫匪蟬綾莫匪范
扶桑不旦嘵在余東海男子長歛歟芳樹豈不蠹
黃雀將安居乃公食採丹木實塗陽笑語閒咥咥

烏啼曲

風從閭闔吹滿路浮雲陰言逆我馬載披我襟行
人忽忽難爲心瞻彼相烏爾復何爲長太息東西
南北俯予罔所極我無爽德忍馮丹朱流丸伊止
弗過甌臾霍納都梁氣何綺荆棘翳如將焉徙鳳
今鳳分吾其已

雉子班

狸膏匪食翰音用以塗芥爲胄金爲殳斯距斯羽
錦臆數觀者何爲不閩閨雉子飛飛莫與格集于

陵岑飲于山澤黃鵠下來朝且夕勞利勞利雀啄
強頹舍老人泥空倉北風漠漠綿雨雪有時田野

天昏黃

升天行

朝榮亦可悅短世亦可嬉高陵日有傾松栢將安
爲縱體排崑崙仙人子爲誰雲日蕩精魄芝菌禦
我饑此事不可要終爲黃壤欺窈窕春風開秋月
還曰之畢情向一觴但醉勿復辭辭之餌丹砂行

行躡高霞

河漢吟

坐久望河漢高高安可窮艸露氣象交柯條貫微
風徘徊于此間喟嘆從中起仙人不可希遷化誰
當已惟須飲美酒坐使臉容澤被服紈與裘遨遊
肆娛悅林溪夜以靜鹿鳴何呦呦離羣而索居在
野空相求同心有佳人遺世稱窈窕皎如雲間月
奧若三春艸我無鴻雁翮枉用懷奮飛相思彈玉
琴終夜流清徽迢迢河鼓星靈會繇來晚寄言天
上人努力進牛飯

淮南詞

青青河畔柳搖蕩獨何心流煙向芳艸吐葉與春禽

其二

淮水搖空綠艸色欲誰際情隨極目來旋與風香逝

其三

青絲絡玉壺十千何足道小立爐邊人拘得花枝好

其四

蘿英繞春甸杜若吹還香
多不解憐爲憐采路

長

其五

樓頭玉手垂立馬嬌不發少婦逢健兒目成若相

亂

其六

花底捉迷藏燈前擣社虎非止媚心情大可持門

戶

其七

小婦進屈卮米盤勤阿姊歌舞滿名倡不解誰作使

其八

袵服鳴金鞭馳射春風中彎弧貫雙兔迴手接歸鴻

其九

誰言估客愁歌吹徹清曉雙向曙窓眠歡聞烏臼

鳥

詠懷堂詩

卷之一

九

其十

一擲紫駒馬再擲珊瑚樹男兒好作健意氣堪誰

負

其十一

參星夕以中杏花開復落曠野無牛羊渚田立閒

鶴

其十二

春湖水艸闊疎星動魚鼈撈蝦拌餉漁苗稅何

有

子夜歌

曙花能有情紛紛布苔隙爲憐歡去心一覆歡來
跡

其二

銀箭滴金壺漏水無心轉遲歡苦刻長歡來刻何
短

其三

持歡比春風歡聞薄作哂吹衣徒婀娜吹心那可
忍

其四

回頭歡忽至虛徐如非煙詰歡見何許見儂理行

纏